

## Idi arloojai gotordada ismaacada ooja Piiduru

**1** <sup>1</sup> Aana arSimuñi Piiduru Suusi Cristo ootosada daida arpiooñigada. Aana ganoojidi idi oojai aapima vaavoitudadami ismaacada canga vaavoitudai garapan duucai. Diuusi garooga amadu Suusi Cristo cangacara garvuiadamiga saalicada ivueeyi amo istumaasi cangaducami aatamacada garsoiñacai tasai lapan duucai vaavoitudana. Casada gamaata isagai amadugan duucai garnidi. <sup>2</sup> Aana ipalidi isDiuusi vaamioma cangacara gannajadagi vai vaamioma ganiibastacan tadacagi ganiibadaga maatacatai Diuusi amadu Suusi gartaanadamiga.

<sup>3</sup> Diuusi alia viaa guvucadagai. Dai lagi casi garmaa vasi istumaasi tagito aatama dai cangacara oidacagi dai siaa duutuadagi lagi. Diuusi garsoi tasai maatana Suusi Cristo. Lagi acovai garvuvaitu. Dai lagi alia viaa guvucadagai daida idui naana maasi istumaasi gargarducami.

<sup>4</sup> Gomaasicada cila maata aatama isDiuusi vaamioma mui naana maasi istumaasi gargarducami iduñia lagi aatama garvataara. Vai poduucai mosacaasi canga ivuaada aatama isduucai Diuusi mosacaasi canga ivueeyi. Dai poduucai istutuidi aatama isgajiaadara viaagi soimaascami dai maipapan duucai ivuaadagi amaivaavoitudadami ismaacada ivueeyi mosacaasi istumaasi lagi lagi ipalidi isivuaadagi.

<sup>5</sup> Casada aliasi glaagai iscangacara oidacagi aapima cavaavoitudacai Diuusi. Dai aliasi glaagai larpa isvaamioma canga matia liadagi istumaasi Diuusi ipalidi isivuaadagi, <sup>6</sup> dai aliasi glaagai larpa ismaitivuaadagi istumaasi aapima lagi ipalidi, dai silascada soimaasi taatamadagi aapima aliasi glaagai isapiacanga vaavoitudadagi Diuusi ñiooquida, dai aliasi glaagai larpa isivuaadagi vasi istumaasi Diuusi ipalidi, <sup>7</sup> dai aliasi glaagai larpa masaipacoga ganoigladagi aapima vaavoitudadami dai isoigladai vasi oodami larpa.

<sup>8</sup> Isivuaadagi aapima vasi gomaasi aida gia vaamioma cangacara oidacamu aapima dai vaamioma canga ivuaadamu Diuusi aa duiñdada lagiditai maatacatai aapima Suusi Cristo gartaanadamiga. <sup>9</sup> Damos ismaitivuaadagi aapima gomaasi aida gia maiquiaa cila maata aapima istumaasi arcangaducami maitatagitoitai isDiuusi caoigali gansoimaascamiga. <sup>10</sup> Casada giñaaduñi vaavoitudadami cangacara avlar oidaca vai poduucai canga gamaatacana isDiuusi acovai ganvuvaitu dai gamaamara duucai gannidi. Iscangacara oidacagi aapima aida gia maigajiaadara viaamu aapima ganvaavoidaraga.

<sup>11</sup> Poduucai viaacamu aapima oigaragai isiimiagi tavaagiamu siaaco gataanai Suusi Cristo gartaanadamiga tomastuigaco. Lagi lagi daida arcangacara garvuiadami.

<sup>12</sup> Cascada apiagantatagitoldiadamu aana gomaasi tomasi camaata aapima dai calga vaavoitudai Diuusi ñiooquida ismaacada caviaa aapima dai gomaasi gia arvaavoi. <sup>13</sup> Dai aana polidi iscalga ivueeyi aana ganmaacaitai idi ñiooqui sivi maiquiaa muucucai. <sup>14</sup> Suusi Cristo gartlaanadamiga casi giñaagidi sai caotoma muquia iñagai aana.

<sup>15</sup> Cascada ganoojidi aana vai poduucai silascada camuquiagi aana vaascara tatagitoda aapima gomaasi.

<sup>16</sup> Casi ganaagidi aana sai Suusi Cristo gartlaanadamiga alia viaa guvucadagai dai sai apamu divia agai tami oidigi daama. Gomaasi gia sallicada arvaavoi. Gomaasi maitarcueentogada oodami yaatavogami. Aatama lagi garvuupuquicada naidi gartlaanadamiga issallicada viaa guvucadagai. <sup>17-18</sup> Aatama cal aidasi Diuusi garooga tavaagiaindara calga ñioo agai vaatarai dai pocaiti; “Idi Suusiava argiñmara nai aana alia oigadai dai baigiñalidi aana govaicada”, caiti Diuusi. Dai aatama lamadu daraajatadai gartlaanadamiga agiidilara ismaacada Diuusi acovai vuvaitu vai ami dadadacai Suusi sicoli. Cascada naidi aatama aidasi Suusi sicoli dadadacai.

<sup>19</sup> Istumaasi naidi aatama dai cal caagaitadai Diuusi ñiñoquituldiadamigada alquioma cascada aidasi naidi aatama dai cal, mai issallicada arvaavoi. Dai aapima larra aliasi gaaagai maslagiadagi goñooqui. Diuusi ñiooquidacada maata oodami mui naana maasi istumaasi maimaatatadai. Aapima aliasi gaaagai mascalga agiditai calcagi Diuusi ñiooquida asta silascada apamu diviagi Suusi Cristo dai aapima lamadu daraajamu. <sup>20</sup> Damos sioma calga gaaagai masmaatcagi sai tomali amaadutai mailagi istutuidi isaagagi istaiya alidi istumaasi aagai Diuusi ñiñoquituldiadamigada Diuusi ñiooquidara. <sup>21</sup> Diuusi ñiñoquituldiadamigada tomali amo imidagai maiagagai istumaasi lagi agai ipalidi baiyoma agai arcacali ismaacada Diuusi acovai vuvaitu dai agai ñiooquituldiña Diuusi. Diuusi Ibadala mamaatatuldiña istumaasi aagadagi agai.

**2** <sup>1</sup> Damos ajudidíu saagida oidacatadai mamaatatuldiadami yaatavogami larra. Dai aapima gansaagida larra oidaca agai mamaatatuldiadami yaatavogami. Agai gamamaatatuldiadamu Diuusi ñiooquida dai saagida agadamu istumaasi maitarvaavoi dai poduucai vupuiirumadadamu agai oodami. Dai vui ñioocadamu agai Suusi Cristo ismaacada calgacara vuvaidi oodami. Dai todian duucai Diuusi soimaasi taatatulda agai agai. <sup>2</sup> Dai muidutai soimaasi ivuaada agai apam duucai amamaatatuldiadami yaatavogami. Agai googosi ganducamicamu. Dai aa oodami parunadamu Suusi Cristo mamaatatuldiaragada pomaasi ivuaadatai agai. <sup>3</sup> Agai coimudada tuutiacamum cascada gantaanadamu tumiñsi ganvupuiirumadaitai ganmamaatatulditai yaatagi. Diuusi alqui abiaadara aagai sai soimaasi taatatulda agai agai dai sallicada soimaasi taatatuldamu agai.

<sup>4</sup> Diiusi maiogali gatatlaañicarú ismaacada soimaasi idui baiyoma ootoi agai malca siaaco tomastuigaco tucagamucana dai cadeenacada vuupu asta silascada aagagi agai isducatai soimaasi taatatulda agai tomastuigaco. <sup>5</sup> Dai Diiusi tomali lalqui oodami maiogali baiyoma ootosi agai duuqui sai agai baicoiña. Agai arsoimaasi ivuaadami cascada. Damos Diiusi calgacara vuvaitu Noé lamadu cuvaracami aaduiña. Noé gaaagidiña isaliasi glaagai iscalgacara oidacagi. <sup>6</sup> Diiusi aagai sai soimaasi taatatulda agai aodami Sodoomara dai Gomoorara oidacami soimaasi ivuaadamicatai agai cascada tavaagiaiñdara daitu agai tai dai maji vvasi oodami dai vvasialcatai dai goaa mataigada vii. Diiusi idui gomaasi sai aa oodami soimaasi ivuaadami ismaacada gooquiarioma oidaca agai naidiña dai duduaadimuna dai camaisoimaasi ivuaadana. <sup>7</sup> Damos Diiusi calgacara vuusaitu Lot. Agai aramo calli calli tuigajami. Lot alia soigallidiña naiditai isalia soimaasi ivuaadana agaa oidacami. <sup>8</sup> Vvasi tasai Lot alia soimaasi taatamaiña naiditai dai calcatai naana maasi istumaasi soimaascami ismaacada ivuaadana agai. <sup>9</sup> Poduucái gamaata isDiiusi calgacara vuvaidi oodami ismaacada calla lalgiadagi agai soimaasi ivuaadami saagidaiñdara sai agai maiapan duucái ivuaadana agaa. Dai Diiusi apiasoimaasi taatamituldiadamu asoimaasi ivuaadami asta silascada aagagi agai isducatai soimaasi taatatulda agai vai soimaasi taataca agai tomastuigaco.

<sup>10</sup> Diiusi vaamioma soimaasi taatatuldamu sioora ivuaadagi istumaasi lalgi agai ipalidi. Agai googosi ganducami dai agai soiduucái naidi tomasmaaca sallicami viaacami. Agai ivueeyi mosacaasi istumaasi ipalidi dai maiduduaadicuitai parunai agai tomasmaaca sallicami viaacami. <sup>11</sup> Damos Diiusi tataañicaruda tomasi vaamioma viaa guvucadagai vvascara maisoimaasi ñioocái asallicami viaacami vui tomali maiagidi Diiusi issoimaasi idui agai.

<sup>12</sup> Damos sioora ivuaadagi mosacaasi istumaasi lalgi agai ipalidi agai calcasi ganducami maicalga gantatagitocatai. Agai ivueeyi mosacaasi istumaasi lalgi agai ipalidi aran duucái calcasi. Oodami coodaiña calcasi ismaacada calcidaga. Dai sioora vui ñioocadagi istumaasi maical maata call agai maiimi agai Diiusi lamadu. <sup>13</sup> Agai soimaasi taatamituldiña oodami yaatagiditai dai vupuiirumadaitai cascada soimaasi taata agai. Dai agai baiganalidiña asta tasara soimaasi ivuaadatai cascada siaa laradamu aapima islamadu gacuaadagi. Agai poduucái ivueeyi ganvupuiirumada aliditai.

<sup>14</sup> Dai agai maisiaa duutudai tomali amo ooqui. Agai maiibicorai soimaasi ivuaadatai dai vupuiirumadaiña lamoco ismaacada maicalga vaavoitudai Diiusi. Dai agai alia coimudada tuutuiga. Dai Diiusi sallicada soimaasi taatatulda agai agai. <sup>15</sup> Dai agai iimi agai lDiaavora lamadu maialagiditai Diiusi ñiooquida. Agai aran duucái ivueeyi

Balaam Beor marada. Agai gamaitacada alidiña tumiñsi soimaasi ivuaadatai. <sup>16</sup> Damos amo asñitu ñioo dai bagaimi abalaam dai agai dagitu gavuiirudaga.

<sup>17</sup> Damos amamaatatuldiadami yaatavogami maitarsoiñi. Agai tomastuigaco oidacamu siaaco sallicada tucagamucana tomastuigaco.

<sup>18</sup> Agai lagi calga ñioocai ganmamaatatuldiaraga vui damos maitarsoiñi istumaasi gamamaatatuldi agai. Ganmamaatatuldiaraga maicallagaducamicada vupuiirumagi agai ismaacada cayoga maiuurapacaitadai asoimaasi ivuaadami. <sup>19</sup> Amamaatatuldiadami yaatavogami gamamaatatuldiña sai tomasioorai istutuidi isivuaadagi istumaasi ipaliadagi dai sai Diuusi maisoimaasi taatatulda agai tomasi soimaasi ivueeyi. Damos amamaatatuldiadami yaatavogami maitistutuidi isdagitocai soimaasi ivuaadagi dai cascada maitistutuidi isivuaadagi mosacaasi istumaasi ipaliadagi. <sup>20</sup> Damos isamaadutai camaiuuvapacadagi asoimaasi ivuaadami dai cagajiaadara viaagi naana maasi istumaasi soimaasicami maatacatal isSuusi Cristo gartaanadamiga arcalagacara vuviadami dai gooquilara apamu uuravagi asoimaasi ivuaadami dai apamu soimaasi ivuaadagi aida gia Diuusi vaamioma soimaasi taatatulda agai agai. <sup>21</sup> Vaamioma arcalgaicamudai agai vaatar ismaimaatamudai Diuusi ñiooquida dai maisiu gajiaadara viaamudai camaatacai. <sup>22</sup> Gomaasicada casi apadi istumaasi aagaiña oodami dai pocaitiña: “Googosi viotaiña dai apamu cuaadana gavioosi dai tomasi sociacami calga vapaatasdiña gansosoiga tataisoli vaascara atataisoli gantuculimadaña davarai vaagicamiara”, ascaitiña oodami.

**3** <sup>1</sup> Giñaaduñi aliasi ganoigadai aana. Idi argootordada oojai ismaacada ganoojidi aana. Dai vagoquilara ganmaacai aana ñiooqui ipaliditai mascalga gantatagitodagi <sup>2</sup> tatagitoitai istumaasi alquioma aagai Diuusi ñiñoquituldiadamigada ismaacada Diuusi acovai vuvaitu dai Suusi Cristo mamaatatuldaragada ismaacada aatama Suusi Cristo ojootosada ganaagidi.

<sup>3</sup> Damos arpa gaagai masmaatacagi sai cayoga uugitacai oidigi oidaca agai oodami ismaacada parunada agai Diuusi ñiooquida dai agai ivuaada agai istumaasi lagi agai ipaliadagi. <sup>4</sup> Dai agai gatcacada agai dai pocaitidada agai: “¿Tadui acristo dai camaidivia? Agai aagidi garaaduñicarai sai divia agaitadai. Dai garaaduñicarai cacacaliocoi dai cacoi taida acristo camaidivia baiyoma momaasi oidigi aidasi abiaadara calquiva”, ascaitiada agai. <sup>5-6</sup> Damos gomaasi maitarvaavoi. Agai mospoduucai tatagitoda agai cascada pocaitiada agai. Oidigi camaimomaasi. Amo imidagai Diuusi caugititu vasi istumaasi oidacatadai oidigi daama duuquicada. Tucamidara Diuusi gañiooquicada idui tavaagi dai oidigi. Daida idui suudagi dai acovai davarai gaquicami. Daida idui iicomai sai duucuiña. Dai gooquilara

Diuusi ugititu vΛΛsi istumaasi oidacatadai oidigi daama duuquicΛΔΛ.

<sup>7</sup> DΛmos gotΛvaagi ΛΛmadu gooidigi ismaacΛΔΛ oidaga sivi Diuusi caaagai sai Λmo imidagai ugitituda agai taicΛΔΛ. Amaasi Λgai vai Diuusi ootosa agai Λsoimaasi ivuaadami mΛΛca siaaco tomastuigaco soimaasi taataca agai.

<sup>8</sup> DΛmos aapimΛ giñaaduñi mosavΛr tΛgitoca sai Diuusi vΛΛtarΛ Λmo tasai ΛrΛpan ducami Λmo mil uumigi dai Λmo mil uumigi ΛrΛpan ducami Λmo tasai. <sup>9</sup> Diuusi gia iduñia agai istumaasi aagai saidΛ iduñia agai, tomasi ΛΛmoco poΛlidi sai catΛvΛpi daivusai. DΛmos Diuusi maitaroojodai baiyoma ipalidi Λgai isvΛΛscatai aatΛmΛ Λma duucaı gartatΛgituagi vai poduUCAı tomali Λmaadutai maiimiagi ΛDiaavora ΛΛmadu.

<sup>10</sup> DΛmos Λmo imidagai aimu istuigaco divia agai gartΛaanΛdamiga Suusi Cristo. Dai todian duucaı divimu Λgai siΛΛscadΛ oodami mainΛnaracagi poduUCAı isduucaı daivui ΛΛsivogami siΛΛscadΛ oodami mainΛnaracagi. Amaasi ugitia agai gotΛvaagi taicΛΔΛ dai cavami copoñdatai. Dai dΛvΛΛrai maia agai ΛΛmadu vΛΛsi istumaasi oidaga oidigi daama.

<sup>11</sup> Dai maatacatai aapimΛ isvΛΛsiaacatai ugitia agai aliasi glaagai issΛΛlicadΛ cΛΛgacΛrΛ oidacagi aapimΛ dai cΛΛga siaa duutuadagi Diuusi. <sup>12</sup> Dai aapimΛ glaagai isnΛnaracagi ipaliditai sai otoma aΛna istuigaco Diuusi iduñia agai vΛΛsi gomaasi. Amaasi ugitia agai gotΛvaagi taicΛΔΛ dai vΛΛsiaacatai maia agai. <sup>13</sup> DΛmos aatΛmΛ nΛnΛra istuigaco Diuusi iduñia agai Λmai tΛvaagi utudui dai oidigi utudui ismaacΛΔΛ aagai Λgai saidΛ iduñia agai. Dai amaasi loodami ivuaadamu mosΛcaasi istumaasi ΛrcΛΛgaducami dai istumaasi ΛrsΛΛlicami.

<sup>14</sup> CascadΛ aapimΛ giñaaduñi nΛnaracatai aapimΛ gomaasi gaagadavurai isducatai cΛΛgacΛrΛ oidacagi dai poduUCAı maitarsoimaasi iducamicamu aapimΛ siΛΛscadΛ diviagi Diuusi, dai poduUCAı cΛΛgacΛrΛ gΛnnΛijadamu Λgai. <sup>15</sup> Aliasi glaagai ismaatΛcagi aapimΛ ismaiquiaa divia gartΛaanΛdamiga Suusi Cristo ipaliditai Λgai ismuidutai cΛΛgacΛrΛ vuvaquiagi. Garaduñi Paavora ismaacΛΔΛ aliasi oigadai aatΛmΛ poduUCAı gΛnooji ΛrΛ. Diuusi maatatuli Λgai istumaasi gΛnoojida Λgai cascadΛ. <sup>16</sup> VΛΛscΛrΛ siΛΛscadΛ gaoojiada Λgai gaaagidiña gomaasi tomasi ΛmapΛcΛrΛ alia sijaiga ismaatΛ cΛΛcagi. Dai ΛΛmoco ismaacΛΔΛ maicΛΛ maata caΛ Diuusi ñiooquidΛ dai maicΛΛga vaavoitudai Diuusi ñiooquidΛ Λma duucaı aagaiña poduUCAı isduucaı Λma duucaı aagaiña Λgai ΛmapΛcΛrΛ Diuusi ñiooquidΛrΛ dai poduUCAı maiimimu Λgai Diuusi ΛΛmadu.

<sup>17</sup> CascadΛ aapimΛ giñaaduñi camaatacatai gomaasi glaagai masigannuucadacagi vai maitΛnvupuiirumadadagi gomamaatatuldiadami yaatavogami aidΛ gia camaicΛΛga vaavoitudadan tada aapimΛ Diuusi ñiooquidΛ. <sup>18</sup> DΛmos aliasi glaagai isvaamioma

ɔɔga maatia aapimɔ ɔartɔaanɔdamiga Suusi Cristo ismaacɔɔɔ  
ɔɔgacɔɔɔ ɔɔvuvaidi. Dai aliɔsi ɔɔagai isdagitoagi ɔSuusi vai ɔgai  
ɔɔsoiñana isvaamioma ɔɔga oidacana aapimɔ. Aliɔsi ɔɔagai  
isvɔɔscatai ɔɔga ñioocadagi Suusi Cristo vɔɔtarɔ.

Mosɔcaasi.